

入年假

舊曆十二月二十四，係送神轉天庭个日仔，阿明牯一家準備甜版圓、糖仔拜神，希望神明食甜甜，撈天公講好話，保佑大家平安順序。

二十五該日起勢，客家人安到「入年假」。阿明牯撈阿姐跔等阿爸去辦年貨。

(阿明牯)逐間店仔賣个糖仔看起來兜當好食个樣仔。

年三十，阿明牯撈阿婆 搵手貼門聯，阿爸負責洗窗門。阿公在該刷雞仔，阿芳妹撈阿姆 搵手在灶下蒸(炊)發版。

(阿姆) 蒸(炊)發版个時節，絕對做毋得亂講話，乜做毋得問「好食㗎？」

(阿芳妹)係仰般呢？

(阿姆) 這係自古傳下來个禁忌，聽講恁樣，發版就會蒸(炊)毋發。

歸家人共下為過年做準備，實在鬧熱又生趣。

好食个野薑花粽

拜六，阿明牯歸屋人來到新竹內灣遊寮，在老街項遶街。

(阿明牯)路脣仰會有這?佢兜係麼人呢?

(阿姆)這係漫畫家劉興欽，佢畫个大叔婆摺阿三哥。

忽然間，佢兜鼻著陣陣个香味。

(阿芳妹)哇，這係麼个味緒(道)?還香哦!

(阿爸)這係內灣盡(最)出名个野薑花粽。

(阿明牯)粽仔裡肚有包野薑花係無?

(阿芳妹)野薑花粽摺阿婆包个粽仔有麼个無共樣?

路脣賣野薑花粽个頭家娘聽著佢兜問，就應講：

(頭家娘)野薑花粽係用野薑花个根研(磨)粉了後，摺米、豬

肉、蘿蔔乾(菜脯)共下炒，包尾正用野薑花个葉仔包起來

(阿明牯)莫怪鼻起來恁香，阿爸阿姆，您(俚)遽遽買來食看

阿，好無?